



partii naleraq

UKA2015/132

30.nov 2015

Inuit annertuumik innarluutillit ilinniartitaanissamik qanoq iliorluni allatuulli neqeroorfigineqartalernissaat pillugu pilersitsinissaq siunertaralugu, matumani Aspergers Syndromimik nappaatillit ilanngullugit apeqquteqaat aallaavigalugu Inatsisartut oqallinnissaannik siunnersuut.

(Inatsisartunut ilaasortat, Siumut)

30.nov 2015

UKA2015/47

Apeqquteqaat aallaavigalugu inuit innarluutillit uagut inuiaqatigiittut pitsaanerusumik ilaatinneqalernissaat angusinnaaneripput apeqquteqaatigalugu saqqummiussamik siunnersuut. Qanoq iliuuseqarnikkut ilumoortumik piviusorsiortumillu inuit timimikkut innarluuteqartut innarluutilittut pillugit inatsisimmi pineqartut ilinniartitaanermi aaqqissuussinermut kingornatigullu suliffeqarfinnut isertinneqarsinnaappat? Qanoq illuta ilinniartiitaanikkut aaqqissuussineq initunerusoq aammalu suliffeqarfeqarneq inunnut timimikkut innarluuteqartunut periarfissiineq pilersissinnaavarput?

(Inatsisartunut ilaasortaq Agathe Fontain, Inuit Ataqatigiit)

Inatsisartunut ilaasortat siumumeersut, kiisalu Agathe Fontain Inuit ataqatigiit siunnersuuteqarpullt inuit innaarlutillit ilinniartitaanerannut pitsangorsaasoqarnissaanut tunngasunik taakkulu oqaaseqarfigissavagut.

Nunatsinni innarluutillit sutigut tamatigut pitsaasumik atugaqartinneqarnissaat aammalu periarfissat sullinnejarnikkut ilinniartitaanikkullu, kiisalu suliffeqarnissaannik periarfissaarissaarnerulernissaannik anguniaqartumik siunnersuuuteqartut anguniagaat kissaatigisaallu isumaqatigigigut oqaatigissavarput.

Inuit innarluuteqartut ineriertornermikkut inuiaqatigiinnilu peqataanermikkut inerikkiartuutaasumik sullinnejarnissaat ilinniartinnejarnissaallu pitsaasumik aaqqissuussiffingineqarnissaat aammalu ilinniarfigerusutaminni mattunnejannigilluinnarnissaat ersarissartuartariaqarpoq aningaasalersuinikkullu aporfeparpata aaqqinnejartarnissaat isumaqatigilluinnarpalput.

Nunatsinni innarluuteqartut sullinnejernerat ilaatigut assigiinngitsorujussuarmik sumiiffit najukkut aallaavigalugit aammalu kommunit najugaqarfigineqartut aningaasaqarnikkut inissimannerat tunngavigalugu aaqqissuussiffingineqarternerat qiviassagaanni assiginngitsorujussuarmik ilaatigut sullissisoqartarnera innarluutilimmur ilaqtaanullu peqqinnanngitsumik ilungersunartumillu

atugaqarfiusartut oqaatigineqartarpus tamannalu aporfinngortitaasarsimanera pissusissamisuunngilluinnartoq oqaatigerusupparput.

Ilinniartitaanerup pitsaasuunissa innarluutillit aallaavigissagaanni aamma assigiimmik ingerlatsiuffiunissa piumasarissallugu pissusissamisoorpoq, kiisalu aamma suliffeqarnikkut aaqqissuussinermi sapinngisamik innuttaasut tamarmik pisinnaasut atorneqarnissaat pingaartinneqassasoq oqaatigerusupparput aamma innarluutillit peqataatillugit pisinnaatitaaffiilu inuttut ataqqillugit.

Nunatsinni ilinniarfiit sinaakkutinik pitsaasunik innarluutillit ilinniartitaanerat aammalu suliffeqarneq eqqarsaatigalugu pitsaanngorsaaffiguarnissaat inunnut tamanut assigiimmik piumasarissallugu apeqquserneqarsinnaanngilaq.

Nunatsinni sulisinnaasut ikiliartorput, aammalu innuttaasutut aningaasalersugassagut annertusiartuinnarput, taamaattumik sulisinnaasut tamaasa, aammalu innarluuteqartut, pitsaasumik periarfissillugit peqataatinneqarnissaat aqqutissiuttariaqarparput, tassami ilinniarusuttut tamarmik aamma aqqutissiunneqarnissaat inuiaqatigiinnut pingaaruteqartorujussuummat.

Taakkuinnanngillat ulluinnarni innarluutillit atugaasa sullinneqarnermikkut ineqartitaanermikkut sulliffeqarnermikkullu aporfiusartut qaangerneqarnissaat ilungersuuttariaqarparput, ilaatigut naammattoorneqartarpus nunatsinni periarfissat pitsaanngippallaarnerat pissutigalugu qallunaat nunaannut nuuinnartariaqartartut maani isumannaatsumik sullinneqarsinnaannginnertik aammalu ilinniartitaanikkut periarfissat killeqarpallaarnerat pissutigalugu, tamannalu soorunami akuersaaginnarsinnaanngilarput.

Ulluinnarni innarluutillit ilaquaasa atugaat aamma pitsanngorsartariaqarluinnarput, soorunami nalunngilarput ilaquaasut aamma akisussaaffeqartut ikiunissaminut aammami taamaattorpassuaqarpoq, kisiannili pisortanik sullinneqarnerat ikiorneqarnerallu aamma isornartoqartuartoq oqaatigineqartarpoq, pingaartumik kommunit aningaasaqarnerat naalaganngoraangat, ilaqtariit periarfissaasa qasuersaarsinnaanerillu killeqartorujussuusut oqaatigineqartarpus. taamaattumik aamma innarluutillit ilaquaasa pitsaasumik ikorsiiffigineqartarnissaat naalakkersuisunut piumasaralugu oqaatigissavarput.

Pisortat namminersortullu suliffeqarfiutaat manna iluatsillugu kaammattussavagut ilinniartitsinermi inuiaqatigiinni pisussaaffittut tigullugu ilinniartitaanermut peqataaqquillugit, aamma innarluutillit ilinniarnissaat eqqarsaatigalugit inuimmi assigiimmik isigineqartussaapput ataaqqinnassusermi inummi assigiippoq innarluuteqaraluarpalluunniit.

Neriutigaarput siunnersuuteqartut saqqummiussaat apeqquteqaat aallaavigalugu saqqummiunneqartut tunngavigalugit tamakkiisumik tapersiinermik alloriartoqassasoq, tassami pissutsit atugassarititaasullu ilungersunartuusut kommunini, namminersorlutik oqartussani, inuiaqatigiinnilu tamatta ilisimavagut, tamakkulu ilisimaneqaraluartut annertuumik allangortoqarneq ajormat massakkut ataatsimut peqataalertariaqarpugut innarluuteqartummi ikiorneqarnissaminnik pisariaqartitsippus inuiaqatigiinnut aamma peqataarusunnertik oqariartutigisarmassuk.

Taamatut oqaaseqarluta siunnersuuteqartut tassalu inatsisartunut ilaasortaatitat Siumut, kiisalu Agathe Fontain Inuiat ataqatigiit oqallinnissamik siunnersutaat tamakkiisumik isumaqatigalugit oqaatigissavarput, oqaaseqaatissatullu siunnersutaat tamakkiisumik tapsererlugit akuerseqataassaagut.

Hans Enoksen